

سلسلة الجوائز



فتحيّة العسّال

لبلة الحنة

سرّية من فضلين *Amy*



الهيئة المصرية العامة للكتاب

- فتحية العسال، ليبيا - سوسة *
- فتحية العسال، ليبيا - سوسة *
- فتحية العسال، ليبيا - سوسة *
- فتحية العسال، ليبيا - سوسة *
- فتحية العسال، ليبيا - سوسة *
- فتحية العسال، ليبيا - سوسة *
- فتحية العسال، ليبيا - سوسة *
- فتحية العسال، ليبيا - سوسة *
- فتحية العسال، ليبيا - سوسة *
- فتحية العسال، ليبيا - سوسة *

لجنة التحكيم



لجنة التحكيم

مصرية من فضلين

جائزة الشوق

من جوائز الدولة الكبيرة
تتمتع لأدباء ومفكرين لهم
إضافة واضحة إلى مجالهم
المعرفي بما يحقق نقلة
نوعية فيه، وأن يكون
لإنتاجهم قيمة معترف بها.
وحصلت عليها الكاتبة
فتحية العسال عام ٢٠٠٥.

فتحية العسال

لبيلة الحنة

مسرحية من فصلين



الهيئة المصرية العامة للكتاب

٢٠٠٦

- الكتاب : ليلة الحنة
- الكاتبة : فتحية العسال
- جميع الحقوق محفوظة للهيئة المصرية العامة للكتاب في مصر.
- الطبعة الأولى ٢٠٠٦.
- طبع في مطابع الهيئة المصرية العامة للكتاب.
- الغلاف والإشراف الفني : صبرى عبد الواحد.

العسال ، فتحية

ليلة الحنة : مسرحية من فصلين/ تأليف : فتحية العسال. - القاهرة: الهيئة المصرية العامة للكتاب، ٢٠٠٦.

٨٨ ص ٢٢ × ١٢ سم .

تدملك ٤ - ١٠٦ - ٤١٩ - ٩٧٧

١ - المسرحيات العربية - مصر

٢ - العنوان :

رقم الإيداع بدار الكتب ٧٤٩١ / ٢٠٠٦

I.S.B.N 977 - 419 - 106 - 4

ديوى ٨١٢، ٩٦٢

المقدمة

● تستمر سلسلتنا الجديدة «سلسلة الجوائز» في تقديم الأعمال الأدبية التي حصلت على جوائز عالمية أو محلية خدمة للقارئ العربى لاطلاعه على أحدث الاتجاهات فى الكتابة الأدبية ذات القيمة الكبيرة.

● وبعد المجموعة الأولى التى شملت خمسة إصدارات حصلت على جوائز متنوعة قدمنا خلالها، الشاعر «محمد عفيفى مطر» الحائز على جائزة «سلطان العويس» الإماراتية فاخرنا له «أوائل زيارات الدهشة» وهى نوع من السيرة الذاتية؛ كما قدمنا الكاتبة السعودية «ملحه عبد الله» فى مجموعة مسرحيات بعنوان «اللمس» وكانت الكاتبة قد حازت جائزة «أبها» السعودية؛ وفى مجال الرواية قدمنا «موال البيات

والنوم» للكاتب «خيرى شلبى» الحائز على جائزة الدولة التقديرية فى الأدب من مصر؛ ومن فرنسا قدمنا روايتين حازت إحداهما جائزة «ميديسيس» وهى رواية «ملكة الصمت» للكاتبة الفرنسية «مارى نيميه» وحازت الأخرى جائزة «انتير» وهى رواية «فتاة من شارتر» للكاتب الفرنسى «بييريجى».

وكان إقبال الجمهور على هذه الثمرة الأولى من «سلسلة الجوائز» مشجعاً لنا على الاستمرار على هذا النهج من تقديم الأدب العالمى والعربى والمصرى المتميز، وهى ذى المجموعة الثانية من إصدارات هذه السلسلة نتوجها بجائزة «مبارك للأدب» وهى أرفع جائزة من جوائز الدولة فى مصر حصل عليها رمز من رموز الفكر والأدب والثقافة فى مصر هو الكاتب «أنيس منصور» ونقدم له «عاشوا فى حياتى». كما حصل «فؤاد قنديل» على جائزة «الدولة للتفوق» فنقدم له رواية «قبلة الحياة» ونفس الجائزة حصلت عليها الكاتبة «فتحية العسال» ونقدم لها مسرحية «ليلة الحنة».

وعملية الترجمة والمراجعة والإعداد تجرى الآن لتقديم مجموعة أخرى من أصحاب الجوائز منها عملين للكاتبة النمساوية «الفريدا يلنيك» الحائزة على جائزة «نوبل فى الأدب» ونطرح قريباً جداً اختيارنا الأول لها وهو «العاشقات» ومجموعة أخرى من حائزى نوبل نقدمهم تبعاً وهم الكاتب الإنجليزى «هارولد بنتر» والكاتب البرتغالى «ساراماجو» والجنوب إفريقى «كويتزى» بالإضافة إلى التركى «أورهان باموق» والذى نالت أعماله الأدبية مجموعة من الجوائز المحلية والعالمية.

جميع هؤلاء الكتاب حصلت الهيئة بالفعل على حق ترجمة ونشر الطبعة العربية لأعمالهم وسوف نقدمها تبعاً.

د. ناصر الأنصارى

المشهد الأول

إضاءة على ستارة مرسوم عليها أشجار
وأنهار لقرية مصرية، وياقطة مكتوب عليها:

(قرية السلامية)

(صوت يردد بعض الكلمات)

الصوت : هذه مسرحية إنسانية، ليس لها زمان ولا
مكان

ولكنها تحدث في كل زمان ومكان..

إنها وثيقة تاريخية تعبر عن القوة
الكامنة داخل الإنسان.

• ترتفع الستارة على أصوات موسيقى

وغناء وزغاريد، وعدد من الفتيات.

• الصالة فسيحة بها عدد من الكتب

وبعض الكراسي وأسبّة ورد هنا وهناك.

• فتاة تدق على الطبل، وأخرى تدق

على الرق.

يغنون معاً في صوت واحد.

● فتاة تغنى.

الفتاة ١ : يا نخلتين فى العلالى، يا بلحهم دوا، يا
نخلتين على نخلتين صبحوا طارحين
الهوا..

(نواره العروسة مرتدية فستان
يلمع.. فتاة تشدها من يدها)

فتاة ٢ : قومى يا عروسة، قومى ارقصى فى ليلة
حنتك.. عشان القمح يرخص.

(نواره تهمس لها)

نواره : أنا مش هارقص غير لما العربى ييجى.
فتاة ٢ : يبقى ارقص لك أنا، طبلوا يا بنات.

(البنات يطبلن. الفتاة ترقص..)

تدخل هنية امرأة فى الأربعين

تقريباً.. يبدو عليها الطيبة

والرفقة. حاملة صينية على رأسها

تضعها أمام البنات)

هنية : الحنة يا بنات باللا حنوا العروسة
واتحنوا.

(البنات تجرى على صينية الحنة.. نواره
تهمس لهنية)

نواره : أنا مش حاتحنى غير لما خالد ييجى.

هنية : العرسان ما بتجيش ليلة الحنة.

نواره : بس خالد قايل إنه جاى وبدرى كمان.

مش عارفة اتأخر ليه.

أنا قلقانة عليه قوى يا أمى.

هنية : إيه - وحشك؟

نواره : قوى يا أمى.

هنية : مش قادرة على بعاذه ساعة ولا اتنين.

نواره : مش عادته يقول إنه جاى ويتأخر.

هنية : الصبر حلو يا نواره.

ما تقلقيش يا حبيبتى.. زمانه جاى.

نواره : ربنا يجيبه بالسلامة.

هنية : بالك.. هو زمانه جاى مع صفية بنت

خالتى.. بس تلاقىهم راحوا يشتروا

شىء وشويات.

ولا أقولك.. تلاقىهم بيعزموا الأهالى فى

البلد عشان الفرح بكره.. واطمنى

زمانهم على وصول..

(صوت غناء من الخارج).

الصوت يا حنة. يا حنة. يا حنة. يا قطر

الندا

يا شباك حبيبى يا عينى، جلاب الهوا..

(تظهر صفية أم العريس

حاملة أشياء...

صفية فارعة الطول، جميلة..

الملامح، مرتدية فستان أسود...

طويل وطريحة على رأسها..

(البنات فى صوت واحد)

البنات : أم العريس.. أم العريس..

(الجميع يصفقون)

بنات : أم العريس.. أم العريس!

هنية : جيتي في ميعدك يا صفية يا أختي، ما
حدش حايعني نواره غيرك يا حبيبتي.

صفية : هو أنا في ديك الساعة، لما أحتي
عروسة ابني بإديا....

خدتي الشربات آهو.. والحلويات كمان..
باللا يا بنات.. كلكوا تتنحنحو مع
العروسة.. لا وايه.. هاحنى العريس
كمان.. هو فين؟

نواره : لسه ماجاش.

(صفية تخطب على صدرها)

صفية : إيه.. لسه ما جاش إزاي. دا خارج من
صباحية ربنا وقاللى إنه هيسبقني..
يبقى اتأخر ليه؟

هنية : زمانه جاي..

صفية : لا.. ابني عمره ما يتأخر من غير
سبب..

ضرورى حصل حاجة..

هنية : هيحصل إيه بس يا أختي.

صفية : ما أنت عارفة البلد ما فيهاش أمان..

وولاد الأبالسة بيضربوا عمال على بطلان

وفى أى مكان وفى أى وقت..

يا خوفى يكون حصل حاجة.

هنية : ألف بعد الشر يا أختي ما تقوليش كده..

صفية : استر يا رب.

هنية : ما تقلقيش يا أختي. زمانه جاي.

صفية : اسكتي يا هنية.. ساعة ما خالد بيغيب
عن عيني شوية.. قلبى بيقع فى رجليا..
(نواره فى مكانها تروح وتيجى هي
قلقى.....).

نواره : يا ترى إنت فين يا حبيبى.. يا ترى إنت
فين؟

(يظهر خالد. شاب فى الخامسة
والعشرين)

البنات : العريس جه.. العريس جه..

(صفية تجرى عليه)

صفية : اتأخرت ليه؟

خالد : أبداً يا أمى.. أنا.. أنا كنت باعزم
أصحابى على الفرح..

صفية : يبقى ألف حمدلله على سلامتك.

(نواره تشد خالد لبعيد.. تسأله فى
همس)

نواره : إنت كنت فين.. واتأخرت ليه؟

خالد : ما أنا قلت. إني..

نواره : ما تخبيش على يا خالد.. أنا عارفة.. إنت
أكيد كنت فى..

خالد : وطى صوتك أحسن أمى تسمع..
(هنية مع صفية)

هنية : شايضة يا صفية يا أختي.. نواره الحب

حينط من عينيها إزاي.. وشايفة قلقها
على خالد لما اتأخر.

صفية : هي بس.. ما هو سابني وراح يوشوش
لها..

هنية : حب العمر يا صفية يا أختي...

صفية : وحلم العمر كله.. أنا يامه حلمت أن
أجوز ابني الوحيد.. اللي فاضل لي من
الدنيا..

هنية : ربنا يسعدك بيه.. ويعوضك اللي
راحو.. واللي قصر في عمرهم.. يوصل
في عمره قادر يا كريم...

صفية : نفسي.. نفسي.. يا هنية.. فرحهم بكره
يبقى أحلى فرح.. اتعمل في قرية
السلامية كلها.

هنية : حيبقي يا أختي حيبقي.. دي العيلة
وعيلة العيلة والبلد كلها بتستعد معنا
للفرح بكره.

(نؤارة تهمس لخالد)

نؤارة : خالد أنا حبيبك مش كده.. ومن بكره
حابقي مراتك.. يبقى ما تخبيش على
حاجة لازم تقوللي اتأخرت ليه..
ومالك.. باين عليك القلق ليه..

خالد : كنت قلقان لكن خلاص المهمة تمت
على خير.

نؤارة : مهمة.. مهمة إيه... خالد إنت مخبي

على إيه!!

(صفية.. مقاطعة.. تقترب منهما)

صفية : جرى إيه يا عرسان.. هو ده وقت
الوشوشة..

ياللا.. يا نؤارة عشان تتحنى وإنت كمان
يا عريس.

خالد : أنا إيه يا أمي..

صفية : هاحط لك حطة حنة في بطن رجلك..
سلو بلدنا..

هنية : قبل الحنة طبلوا يا بنات.. أنا عايزة
أرقص مع بنت خالتي.. أحسن الفرحة
مش سايعاني..

صفية : ولا سايعاني.. الفرحة غابت عنى كثير..
كثير قوى..

خالد : يبقى تعيشيها يا أمي... وياللا نرقص
كلنا سوا..

(تنهض الفتيات ليرقصن كل منهن
مرتدية ملابس تدل عن بلد ما..)

فلسطين.. سوريا.. العراق.. لبنان

الجميع يرقصون.. رقصات تعبر عن
البلاد العربية وتختلط الرقصات
ببعضها.. وتعلو الموسيقى)

(إظلام)

المشهد الثانى

إضاءة على مكتب فى ركن المسرح
على المكتب الكرة الأرضية مضاءة وتليفون
بجوارها.
يدخل جعفر فى الثلاثين تقريباً مرتدياً
ملابس تلمع.
تراه جالساً على المكتب... يقفز على الأرض
كما البهلوان.
ويقف فى مواجهة الجمهور..

جعفر : شوفوا بقى بالتأكيد.. إن كل البشر
عارفين إنهم عايشين على سطح كورة..
الكورة الأرضية.. أيوه عارفين.. لكن
نسبة قليلة منهم.. هم اللى قادرين
يشوفوا الصورة بوضوح.. من فوق.. أما
الباقى.. فيدوب.. قادر يشوف تحت
رجليه.. ومدام اتخلقنا كده على سطح

الكورة دى.. ناس قادرة تشوف.. وناس مش قادرة... يبقى اللي قادر هو اللي من حقه يوصل.. يقعد على الكرسي ويربع.. يؤمر.. يطاع.. يعوز.. ياخذ اللي هو عايزه.. فى الوقت اللي هو يحده.. والباقي عليه إنه ينصاع.. تبقى بقت المسألة كلها إمكانيات.. درجات.. مش إحنا اتخلقنا كده.. درجات.. ناس بعقلها تخطط.. وناس بإديها تنفذ.. وناس دورها بس تتفرج.. وناس ملهاش أى دور غير إنهم يخرجوا بره اللعبة.. ياخدوا شارة الخروج.. يخرجوا يجروا لمكانهم.. تحت الأرض.. تحت سطح الكورة عشان اللعبة تستمر.. واللعبة قانونها الأساسى إنها تستمر.....

لازم الكورة تلف تلف تلف... وتفضل تلف.. من غير ما تقف ولا حد ياخذ نفسه.. ولا حد يفكر غير اللي مفروض إنه يفكر فيه.. ما دامت إمكانياته كده... قدراته كده... إنه يفكر.. يخطط والباقي ينفذ.. ينفذ ويس.. ينفذ اللي إحنا فكرنا فيه وخططنا عشانه..

الى يفهم لازم يعرف إن الموضوع كله من بدايته لنهايته زى اللعبة.. لأ هو لعبة

فعلاً Game جيم بمجرد ما يخلص بيتدى واللعب شغال والكورة مش ممكن تفضل غير مع اللعيب الشاطر الموهوب.. اللي يلعب بمخه قبل رجليه.. مخه هو اللي بيحركه..

أظن مفهوم.. وحتى لو مش مفهوم.. ما إحنا اتفقنا اللي ما يفهمش مالوش فى اللعب.. القانون واضح وصريح.. الى يلعب ويشوف الملعب مضبوط ونفسه أطول بيكسب.. وإحنا قررنا من زمان إننا حنكسب.. وحنفضل نكسب.. والكورة حنفضل فى رجلينا.. باللى عليها.. حنفضل تحت رجلينا.. درجات.. يمكن أحياناً بتبعد شوية بحكم الظروف.. وكنا بنستحي بنتواري لحد ما الظروف اللي مش مناسبة دى تتغير.. لكن بسرعة.. نرجع لل Game ونأخذ الكورة فى رجلينا.... ونجرب... أقوى من الأول ونعوض اللي فاتنا.. ما هو ما ينفعش نفوت الفرصة والحياة فرص.. إحنا مش مجرد فكرة طارئة ولا طفرة حصلت وفى لحظة تنتهى... لأ إحنا سلسال.. سلسال موصول فى تاريخ طويل.. عارفين إحنا جايين منين.. وعايزين نروح لفين.. كله محسوب

بالتانية.. اقتصاد.. تجارة... مشاريع..
انقلابات.. مؤامرات.. مايندش لحد
الفرصة إنه يعطلها.. عشان كده قررنا
نحمى نفسنا بالقوة... وقررنا ما نبصش
غير لقدام.. مانبصش وانا عشان
فهمنا من بدرى اللى غيرنا.. ماقدرش
يفهمه.. إن اللى ببقى ويفضل مش بس
لازم يكون أصلح.. لأ لازم يكون أقوى..
عشان كده عملنا بين القوة وبيننا اتفاقية
مصالح مشتركة على أساسها تحميننا
القوة وفى نفس الوقت نحقق
مصالحنا..

المسائل كده وصلت لدرجة خطيرة..
ولازم نتصرف.. ماهو مش ممكن نسكت
عليهم أكثر من كده.. ما بيبطلوش
يفرحوا.. الناس دول حيحنونى.. نهدم
البيوت عليهم يفرحوا.. نساويهم
بالأرض برضه يفرحوا.. نأخذ أراضيهم
فرحانين.. ما بيتهدوش.. والفريبة
محدث قادر يسرق الفرحة من قلوبهم..
بيقولوا المستحيلات ثلاثة دول بقى
العنقاء كل ما نولع فيهم ونقول ماتوا
خلاص.. نلاقيهم طالعين من قلب النار
زى العفصاريات.. كل شوية يطلع منهم
واحد يلهمهم حوالية زى النمل.. قال إيه

مقاومة.. مقاومة.. مقاومة من زمان
وهى كده.. ما بيهمدوش.. مرة قطز..
مرة أحمس.. عمر المختار.. القسام..
جمال عبد الناصر.. (جرس تليفون).
آلو حاضريا فندم. الشوكة اللى
الزور حتمسحها النهارده يا فندم (يضع
السماعة) أهو ده اللى المسؤولين
فالحين فيه.. يدونى أوامر وأنا أنفذ
يعنى من غيرى مايففعوش.. وأنا أنفذ..
شى... حاضريا فندم.. حا.. حاضريا
فندم ش ما يفرحوش يا فندم.. حننك
عليهم الليلة دى.. وحنحرمهم الفرحة..

«إظلام»

المشهد الثالث

• الإضاءة على الصالة، خالية تماماً إلا من صفية وخالد.

• صفية جالسة على الأرض، تضع قدم خالد على ركبتيها. وتضع له قطعة من الحنة..

صفية : أربط لك رجلك على حنة الحنة.. ساعة ولا اتنين.. ويعددين تفكها.. وتروح..
(خالد فى مرح)

خالد : أمى هو لازم نروح؟

صفية : خلاص مش قادر على بُعد نواره..
خالد : أيوه يا أمى.

صفية : دانت يا حبيبي.. يدوب سواد الليل وتيجي تاخذ عروستك.. وأنا اتفقت مع الفرقة عشان تزهكوا أحسن زفة فى

السلامية كلها ..

(خالد يقبل صفية)

خالد : ربنا ما يجرمنش منك

يا أمى يا غالية.

صفية : ولا يجرمننا منك يا ضنايا ..

خالد : يا رب يا أمى يا رب ..

أحسن أنا .. أنا ..

صفية : إنت إيه ..

(خالد وقد بدا عليه بعض الإلحاح)

خالد : خايف يا أمى خايف ..

صفية : يا ساتر يا رب .. خايف ..

من إيه!!

خالد : مش عارف .. بس خايف أحسن العدو

يكون أى بلد من حولنا ..

صفية : طيب بس .. ما تقولش كده قدامى ..

وربنا يستر ..

(تدخل نورة وهنية تدخل وراءها)

هنية : يا بت قلتك اتقلى ..

نـوارة : يعنى عايزة خالتى صفية تبقى عندنا

وأنا أقعد بعيد ..

لا .. دى واحشاني قوى ..

صفية : ما تشوفيش وحش يا ضنايا .. تعالى ..

تعالى اقعدى جنب خالتك ..

لا .. يوه .. ده أنا حماتك ..

هنية : إنتى برضه مصدقة يا أختى إنها جاية

عشان تقعد جنبك لوحده .. لا دا

العريس هو اللى وحشها ..

نـوارة : أمى ماتكسفنيش آمال ..

هنية : إنت بتكسفى ..

بالك يا صفية .. دى إمبارح صاحية طول

الليل بتعكى وتتحاكى عن حبها لخالد

وعن السعادة اللى نفسها تعيشها مع

خالد .. لا وإيه نفسى يا أمى أسعد

خالتى صفية ..

عشان مخلفتش بنات يبقى أنا زى

بنتها ..

هنية : زى إيه يا بت ... دا أنا مربياكى يا نور

عيني ..

أنا هاسيبكوا دلوقت أحسن عندى شغل

كثير وحاجى أكمل القاعدة معاكوا ..

(هنية تخرج .. صفية

تتهض تقف فى وسط الصالة ..

تقرقر ذراعها وكأنها تحتضن ..

المكان).

صفية : بالكوا يا أولاد .. فرحكوا ده .. فكرنى

بأحلى أيام حياتى .. وأنا صغيرة كانت

أمى تجيبنى وتقعد عند خالتى أم هنية

يومين ولا ثلاثة .. أيامها أنا كنت ...

(صفية وقد هجمت عليها ..

بعض الذكريات)

آه يا جاسر.. اتحرمت منك وإنت فى عز
شبابك..

(خالد ينهض، يربت على صفية فى
حنان)

خالد : طيب تعالى اقعدى.. اقعدى وكملى..

باحب أسمع كلامك عن أبويا عشان
أتخيله وأحس إنه عايش.

نـوارة : كنتوا بتحبوا بعض يا خالتي؟؟

(صفية تضحك فى شجن)

صفية : لما كنت باجى هنا.. كنا نقعد، نبص فى
عينين بعض من بعيد لبعيد وإحنا
ساكتين..

فى يوم وشوشنى وقاللى.. إيه رأيك..
تيجى تشوفى معايا القمر.. وهو راخى
نوره على الشجر...

خرجت معاه.. قعدنا تحت الجميزة..

بص فى عينية وقاللى.. الله وشك حلو
قوى فى ضوء القمر بدر منور..

انكسفت طبعاً.. طبطب على كتفى
وقاللى.. أنا... أنا خلاص.. مش هاقدر

أبعد عنك.. وقام من جنبى.. قلت له
رايح فين..!! قاللى.. حاخطبك دلوقت..

أيوه يا صفية.. دلوقت.. دلوقت.. أنا مش
حاقد ر أستنى ليكره و.. وبس؟..

خالد : بس إيه احكى كمان...

خالد : كنتى إيه يا أمى.. كملى..

نـوارة : وأنا يا خالتي عايزة أسمعك.. ما دام
فرحنا هو اللى فكرك بزمان وأيام زمان.

(صفية تحكى وكأنها تتذكر
الماضى..)

صفية : أبوك جاسر.. كان أكبر منى.. ييجى
بخمسة سنين..

(خالد مقاطعاً)

خالد : إلا يا أمى مين اللى سمى أبويا جاسر..

صفية : أبوك اسمه الحقيقى «عاطف».. لكن لما
كبر وبقي شاب فى عز شبابه.. انشهر

بالشجاعة.. ودايماً كان يقف جنب
الفلبان ويأخذ له حقه من الظالم.. طلع

عليه اسم جاسر..

وهو كان جاسر.. جسور.. ما يخافش
غير من اللى خلقه..

بالك.. كان يفتح القناية بقاسه..
ويقسم الأرض نصين.. عشان الميه

تجرى لجيرانه.

خالد : كان نفسى أشوفه..

صفية : كان طول بعرض وجمال.. سبحان
الخالق..

خودده تولع منها عود الكبريت..

عيونه يتهيأ لك إنها بتتور فى الضلمة..

وشه كان لون طمى النيل..

صفية : لا.. كفاية كده.. خللى الفرحة جوا
قلبي..

لما أروح أساعد هنية
(صفية تخرج، خالد يتكلم
فى أسى وشجن)

خالد : من يوم ما طلعت للدنيا وأنا شايف أمى
عايشة فى الماضى ومش قادرة تتساه..
على طول فاكدة أبويا وعلى طول عايشة
مع أخويا فادى..

نوار : ما هو خبطتين فى الراس توجع..
جوزها وابنها.. الاتنين استشهدوا..
واحد ورا واحد..

خالد : وخالى محمود أخوها استشهد فى
الحرب، ويومها أمى شالته على صدرها
وهو سابح فى دمه..

نوار : ياه كل ده حمل خالتي شايلة؟
خالد : وأنا شايله معاها يا نوار.. أمى على
طول مكثانى.. من خوفها على..
عايزانى أفضل جنبها على طول..

نوار : وجنبي يا خالد.. ده أنا ما صدقت إننا
أخير.. ننتجوز..

طول الوقت الحرب منعانا إننا نعيش..
ودلوقت أهو أخيراً بقينا فى هدنة.. ويا
ريت تطول.. عشان ولاد الأبالسة يتهدوا
ويبطلوا حرب وضرب.

خالد : إنتى مصدقة إننا فى هدنة.. دول
بيخططوا لضربات جاية..

(وتقترب من خالد)

نوار : باقولك إيه يا حبيبى.

خالد : حبيبك؟

نوار : ونور عينية كمان.. باقولك إيه يا
حبيبى..

الليلة دى حنتنا.. وبكره فرحتنا.. لازم
نسسى الحرب والدمار.. اللي بقاله سنين
معكر حياتنا.. وخلينا نعيش فرحتنا...

خالد : نفسى أعيش الفرحة.. نفسى..

نوار : ليه هو إنت مش فرحان.. إننا حنتجوز.

خالد : طبعا فرحان ومبسوط وحاطير من
الفرح لكن اللي بيحصل حوالينا.. كل
يوم والتانى.. بيخنى الفرحة جوايا..

نوار : لا يا خالد.. بلاش تقول الكلام ده.. ده
أنا.. ده أنا بأخرج نفسى من الهم إلى
حوالينا وبأحاول أعيش فرحتى..

خالد : فرحانة يا نوار..؟

نوار : حلمت باليوم ده سنين يا خالد.. ده أنا
فتحت عينية على الدنيا.. لقيتني..
لقيتني..

خالد : كملى..

نوار : لقيتني بأحبك.

خالد : إنتى حب عمرى كله يا نوار..

نـوارة : ولما أنا حب عمرك.. مخبى عليا ليه
إنت كنت فين لحد دلوقت.. وتأخرت
ليه لحد الدنيا ما ضلمت..

خـالد : ياست.. مش هاقدر أخبى عليكى بعد
كده مش بس علشان هتبقى مراتى..
لا.. لأنك حبيبتي..

نـوارة : طيب قول.. كنت فين؟

خـالد : كنت باسلم سلاح على حدود البلد..

نـوارة : سلاح..؟

خـالد : وطى صوتك..

نـوارة : يبقى رجعت تانى للمقاومة..

خـالد : هو أنا كنت سبت المقاومة.. عشان
أرجع لها..

نـوارة : اتهايلى إنك سبتها.. *

خـالد : معقول أسيب المقاومة وبلدنا فى خطر
كده.. العدوين زى الوحوش ما
يبرحموش.. وما فيش حاجة هتقف فى
وشهم وتشلهم غير المقاومة..

نـوارة : أه.. أهو ده اللى أنا عاملة حسابه.. وكان
قلبى حاسس إنك فعلاً فى صفوف
المقاومة. وعشان كده ماكنتش بنام الليل
من القلق عليك..

خـالد : لأ يا نورة مفيش داعى للقلق..

نـوارة : إزاي والخطر اللى محاولنا من كل
جانب.. ولما تبقى إنت فى المقاومة..

يبقى الخطر جاى.. جاى..

خـالد : المقاومة هى الطريق الوحيد للدفاع عن
أرضنا وعرضنا..

عن مستقبلنا يا نورة.. ومستقبل
ولادنا.. *

كتب علينا القتال.. هو إحنا عايزين
نحارب.. إحنا عايزين نعيش فى سلام..
لكن أعداءنا.. عايزين يدمرونا ومفيش
حاجة تحقف فى وشهم غير المقاومة..

نـوارة : صح يا خالد بس مش لوحذك..

خـالد : معنى إيه..؟

نـوارة : معنى من بكرة أنا معاك فى المقاومة هو
الخطر اللى بيقع عليكوا يا رجالة مش
بيقع علينا إحنا كمان يا ستات..

(خالد يمسكها من كتفها فى سعادة)

خـالد : بجد يا نورة.. إنت عايزة تبقى معايا فى
المقاومة..

نـوارة : ما أنت قلت كتب علينا القتال.. يبقى
عشان نعيش حياتنا لازم نقف فى وش
اللى عايزين يحرموننا منها.. وده الكلام
اللى كنت عايزة أقوله لك من زمان..

خـالد : صحيح يا نورة أنا.. أنا مش مصدق
اللى باسمعه.. ده أنا.. أنا كنت حامل
هم إنك تعرضى إنى فى المقاومة..
تقومى تطلبى تبقى معنا؟..

نـوارة : ليه لأ.. هو أنا أحسن من مين.. ده أنا
باحس إني عايزة ألف نفسى بالديناميت
وأفجر نفسى فى وش العدو..
إنت متصور انى أنا إيه.. عميا..
خرسة.. ما أنا شايقة اللى بيحصل
حوالية.. دول بيهدوا البيوت على
أصحابها..
بيشقوا بطون الستات وهم حوامل..
بيقتلوا الأطفال قدام عنينا.. تعرف يا
خالد ده أنا لما باشوف الجنازات
والشباب شالين الشهداء وماشين
وأهاليهم بيبكوا دم عليهم أسأل نفسى..
لإمتى أفضل أتفرج؟ وأنا بعيد؟
لإمتى أفضل ساكتة هاعملش حاجة؟
خالد أنا عايزة أبقي معاك فى صفوف
المقاومة..
.. أعمل أى حاجة..
وحتى لو جوالى حاجة.. حيبقى لى
شرف المقاومة..
(خالد فى عدم تصديق..
وسعادة أيضاً..
ربت عليها)
خـالد : صحيح ده إحساسك يا نورة..
نـوارة : كنت كاتماه فى قلبى وخايفة أقولك..
قال إيه.. عشان نعيش حياتنا وفرحتنا..

خـالد : إحنا بنسرق الفرح يا نورة.. لكن نعمل
إيه.. إحنا لازم نقاوم ونحب.. نقاوم
ونفرض.. نقاوم ونتجوز.. نقاوم ونجيب
أطفال يقاوموا من بعدنا..
نـوارة : أنا باحبك قوى يا خالد..
خـالد : دانا باحبك زى ما باحب الحياة..
وباحب بكره اللى باستناه..
(خالد ينظر فى ساعة يده)
خـالد : إنت مش خلاص عرفتى كل حاجة
وحيتقى معانا فى صفوف المقاومة..
نـوارة : طبعاً..
خـالد : دى أول مهمة تقومى بيها..
نـوارة : قول يا خالد أنا مستعدة أعمل أى
حاجة..
خـالد : أنا عايزك تتحججى لأمى باى حاجة
لعد ما أرجع..
نـوارة : منين...!
خـالد : حاسلم ذخيرة عند الكوبرى اللى بين
القرية والشارع العمومى.. وحارجع على
طول..
نـوارة : بيبقى بالسلامة.. واطمن أنا حاقول
لخالتي صفية إنك بتعزم أصحابك..
خـالد : أنا باحبك..
نـوارة : وأنا أكثر..
(خالد يخرج.. تدخل صفية ومن ورائها

هنية)..

هنية : صفية إيه رأيك نحضر العشا بقى..

صفية : أجليه شوية.. إيه ده فين خالد..

نوار : هه.. أم.. خالد.. خالد.. خرج..

صفية : خرج.. ليه..

نوار : أصله.. أصله نسى يعزم خليل

ومصطفى وسالم و..

صفية : طيب.. بقولك إيه يا هنية..

اليسى وتعالى معايا.. بسرعة على ما

خالد ييجى..

هنية : خير.. ليه يا أختى..

صفية : عارفة أم حسن سليمان؟

هنية : طبعاً اللي ابنها استشهد الشهر اللي

فات..

صفية : واللى من يوم ما سمعنا الخبر وأنا

حاسة بيها وبالنار اللي فى قلبها..

نوار : وعازية تروحي لها دلوقت ليه يا خالتى..

تعزيبها..

صفية : مش بس.. لكن لازم نستسمحها عشان

ماكانش يصح نعمل فرح دلوقت وهى

لسه فى حزنها..

هنية : حزنها.. طيب حافوك على اللي حصل

منها النهارده الصبح..

صفية : إيه..

هنية : صحيت على خبط على الباب.. بافتح

لقيت أم حسن قدامى جايبة شريات

وبتقولى ألف مبروك على جواز بنتك

نوار..

صفية : معقول.. ده أنا بتهيالى إنها مش قادرة

تقف على رجلها..

هنية : بالعكس دى بتدب برجلها على الأرض

دب.. ويوم ابنها ما استشهد وجريت

روح لها لقيتها بتولول وتقول إن حصد

العدو زرعى ما أزرع الأرض بولادى وأنا

أهو فى عز شبابى وبقت يا حبيبتى

تعيط شوية وتزغرد شوية.

صفية : حاسة بيها.. ما أنا برضه يوم ما

استشهد ابنى زغردت.. بس زى الفرخة

المدبوحة.. وبقيت أصبر نفسى وأقول

أنا بازفك على جنة الخالد.. ساعتها

كان قلبى بينزف دم..

(هنية تربت عليها من جانب ونوار من

جانب آخر..)

نوار : ما تفكرش دلوقتى غير فى الفرح..

ماقلبش على نفسك المواجه..

صفية : فعلاً.. رينا يتمم فرحنا على خير..

أحسن أنا دلوقت نفسى أغمض عيني

وأفتحها ألاقى بكره جه ونوار فى

بيتى..

(يدخل خالد)

خالد : أنا جيت.. وخلص تحت أمركوا..

صفية : عزمت أحبابك؟

خالد : أهم.

نواره : أهم.. أهم..

(تسمع أصوات.. شباب قادمين)

خالد : أهم جُم.

(يدخل عدد من الشباب)

الشباب : جرى إيه يا عريس تبقى ليلة حنتك

وتقعد في البيت.. إحنا عايزين نرقص

لك ونحطب كمان..

صفية : رجله متحنية يا أولاد.

شاب ١ : نشيله.. ونرقص حواليه

(الشباب يحملون خالدًا)

ويخرجون

صفية وقد بدا عليها

الشجن.. تتمتم بالذكريات)

هنية : نروح بقى نحضر العشا..

(تخرج نواره مع هنية)

صفية : .. ليه الذكريات هاجمة عليا.. الليلة

دى..

صفية : غريبة.. المنظر ده فكرنى بيوم فرحى..

يوميهما كنا فى عز فرحتنا.. أنا وجاسر.

لكن يا خسارة.. يا ألف خسارة.. ما

لحقناش نعيش فرحتنا..

إنت كنت جاسر يا جاسر.. كنت بتقول

كلامك فى وش عدوينك.. لا بتخاف ولا

بتطاطى..

وعشان كده.. جم وهجموا علينا وخدوك

من بين دراعاى..

(صفية ترى بعين الخيال..

فى ركن ما من المسرح..

عدداً من الجنود والضباط..

يهجمون على المكان)

جندى ١ : قدامى يا جاسر. قدامى

جاسر : على فين؟

جندى ٢ : على المعتقل طبعاً..

(إضاءة على جاسر)

جاسر : معاكوا.. أمر بالقبض عليا؟

جندى ٢ : والتفتيش كمان.

جاسر : وليه ده كله؟

جندى ١ : أسألهم لما تشرف فى السجن

(صوت صفية)

صفية : السجن تانى؟

(جاسر وكأنه اقترب

من صفية)

جاسر : صفية.. يا حبيبتى.. اتحملى الفراق..

قد ما يكون.

لكن حارجك لك.. وأوعى تنسى أن اللى

بيخاف.. ما بيتكلمش..

واللى بيتكلم... ما يخافش..

وجوزك ما بيخافش.. وما بيسكتش..

صفية : حاستاك يا ضى عيني.. حاستاك.. ..
(إضاءة على وجه صفية)

صفية : وخذوك يا حبيبى.. وفي السجن
رموك.. وإنت في السجن ياما عذوبك..
لكن كنت رافع راسك.. لا بتسلم ولا
بتطاطى.. ولما خرجت من السجن..
عملنا فرحنا من تانى..

عيشنا أيامنا و...

(تفريق من الذكرى)

يا... ده إيه اللي فكرنى دلوقتى بده
كله.. لا.. أنا لازم أعيش فرحتى بابنى..
وأزغرد له كمان من جوا قلبي..

(صفية تزغرد..)

نوار : تدخل تقترب من صفية في حب

نوار : تعالى يا خالتي.. نتعد هنا شوية..
نفسى أتكلم معاكى وأقولك حاجة مهمة
جدا..

صفية : خير يا حبيبتي..

نوار : أنا.. أنا باحب خالد قوى.. قوى..

وإنتى يا خالتي..

صفية : أنا.. باحبك من كل قلبي.. مش عشان
حتبقى مرات ابنى.. لا عشان طول
عمري شايفاكى وردة مفتحة وستك
دايمًا بتضحك..

(نوار تتهد وتتكلم)

نوار : يا سلام يا خالتي.. يا سلام ما
تتصوريش أنا النهارده فرحانة قد إيه..
مش يس عشان حتجوز خالد حبيب
عمري.. لا.. عشان حاعيش معاكى فى
بيت واحد وأقعد جنبك وأتكلم معاكى
وأسمعك وأتعلم منك..

تعرفى يا خالتي.. أنا طلعت للدنيا
لقت أمى بتحكى وتعاكى عن حنيتك
وجمال طبعك.. عن صبرك وشجاعتك
والأمل الللى انتى عايشة بيه.. لحد ما
تجوزى خالد وتفرحى بيه..

صفية : بالك فرحتى الكبيرة قوى حتبقى إيه..
نوار : إيه يا خالتي.. قولى ع الللى يفرحك فى
الدنيا.. أنا نفسى أفرحك وأعمل كل
حاجة تطلبها منى عشان تسعدك.

صفية : يبقى من بكره.. وبعد تسعة شهور
بالتمام والكمال.. أسمع فى البيت الللى
بيقول واء..

نوار : يبقى حفرحك يا خالتي.. وإن شاء الله..
إن شاء الله.. لو جبت بنت حاسمياها
صفية.. عشان تطلع زيك فى كل
حاجة.. ولازم تكون فى جمالك..

صفية : ولو جيتى ولد حتسميه إيه؟

نوار : سميه إنتى يا خالتي..

صفية : حاسميه فادى.. علشان كل ما أنادى عليه.. أحس إن فادى ابنى جنبى ومعنايا..

نـوارة : يبقى أنا حاتوحم عليه.. علشان يطلع زى فادى فى كل حاجة.. ما هى أمى ياما حكيت لى عن جدعنته وشهامته ووقفته فى وش العدوين..

صفية : ليه؟ هما العدوين حيفضلوا على قلبنا.. لحد ابنك فادى ما يكبر ويقاوم..

نـوارة : ما هو يا خالتي علشان ابنى يكبر ويعيش فى أمان.. لازم نفق فى وشهم.. ونقاومهم بكل قوتنا..

صفية : بس ما تكملش.. وأوعى تجيبى سيرة المقاومة قدام خالد..

نـوارة : هو أنا اللي باجيب سيرة المقاومة.. ما هو خالد عايشها وحاسس بيها..

صفية : يعنى إيه؟

نـوارة : يعنى لولا خوفك عليه.. لولا إنه مقدر الحزن اللي عشتيه.. كان زمانه فى المقاومة زى كل الشباب..

صفية : نـوارة إيه؟ اعلمى معروف فى خالتك وبلاش أسمكك بتقولى الكلام ده وسيبينى أعيش فرحتى.. وخصوصاً لما تملى البيت عليا وتجيبيلى فادى وصفية وجاسر.. ومحمود أخويا اللي اتحرمت

منهم العمر كله..

نـوارة : أيوه يا خالتي بس أنا.. أنا باشتغل ومش معقول حاقدر على تربية أربعة..

صفية : أنا اللي حاربى.. وإنتوا تخرجوا هلى شغلكم وتسيبولى العيال..

وأنا طول النهار أستفرد بيهم فى البيت.. اسكتى يا بنت أسكت يا واد ونجى ونلعب فى الشقة.. لا.. شقة إيه ده أنا إن شاء الله أبنى لكم بيت صغير فى الجينة عشان الأولاد يجسروا بين الخضرة والزرع ويرعروا..

نـوارة : الله.. يا خالتي.. الله عيشتينى فى حلم جميل.

صفية : وإن شاء الله.. حيتحقق.. وربنا يدينى طولة العمر.. وأحقق كل اللي إنتى عايزاه..

نـوارة : خالتي أنا سعيدة قوى.

صفية : وأنا كمان وحاسه كده إنى.. عايزة أملا الدنيا زغاريد..

نـوارة : يبقى أنا أزغرد معاكى.. وياللا.. ياللا الاثنان تزغردان : يا بنات ياللا يا بنات كلنا نغنى ونرقص سوا..

(الجميع يرقصون.. ثم يدخل البوليس يقبض على عدد من الشباب..)

الفصل الثانى المشهد الأول

(إضاءة)

(صالة منزل صفية.. صالة متوسطة
الحال بها كنية كبيرة وبعض الكراسى..
دولاب حائط...)

(باب مفلق على يمين المسرح وباب آخر
معلق على يساره ،باب موارب يظهر منه
بعض السلالم المؤدية إلى أعلى، تدخل
صفية وخالد)

صفية : ولاد الأبالسة مش عاوزين حد يفرح..
لكن ليلة حنة تفرح القلب يا ضنايا..
خالد : أقولك الحق يا أمى.. وأنا قاعد مع
الشباب.. وهمه يغتوا ويرقصوا.. ما
كنتش

بتفارق خيالى.. ده بقاله ثلاث سنين فى
السجن..

(صفية تسأله فى لهفة)

صفية : مش جايز لما المفاوضات اللي بيقلوا
عليها دى تخلص يخرج المعتقلين ويعم
السلام..

وتخلص الحرب.

(خالد فى أسى)

خالد : سلام.. همه دول بتوع سلام يا أمى
دول عمرهم ما ينفذوا أى وعود بعد أى
اتفاقيات..
دول اتخلقوا للتدمير..

دول مش بتوع سلام.. دول بتوع حرب.
صفية : باقولك إيه يا ضنايا.. انسى الحرب
دلوقت وافتكربس إنك عربى.. وإن
فحرك بكره وياللا.. ياللا خش نام
عشان تصحى بدرى تشوف اللى وراك..
(خالد يحاول أن يخرج من مود الحزن)

خالد : طيب قوليلي يا أمى.. نواره حلوة؟

صفية : حلوة وبس دى قمر منور..

خالد : بس اللى طلوعوا القمر قالوا إنه كله وما
فيهوش أى حاجة حلوة.

صفية : الجمال هو اللى عينك بتشوفه.. واللى
بيص للقمر يتمتع بجماله..

خالد : صح يا أمى صح.. علشان كده وأنا على

عارف أفرح من قلبى..

صفية : ليه يا حبيبى كفا الله الشر..؟

خالد : افتكربت يوسف مختار.

(صفية فى قلق)

صفية : يوسف مختار؟

خالد : أستاذى..

صفية : كان صاحب أخوك فادى..

ألف رحمة ونور عليه.

خالد : الشهداء عايشين يا أمى..

صفية : باقول زيك كده عشان أصبر نفسى..

خالد : طول ما يوسف موجود أخويا فادى

موجود.. على طول شايفهم مع بعض..

صفية : ربنا يفك سجنه يا ابنى.. ويخرج

بالسلامة ويبقى عشان أشوفه وأحس

إن فادى جنبى..

خالد : طول الوقت وأنا باتخيله جنبى.. هو اللى

بيغنى لى..

فاكرة يا أمى لما كان بيجيلنا زمان..

ويقعد مع أخويا فادى ويغنى أشعاره..

(صفية تصرخ فجأة)

صفية : بس يا خالد.. ما تفكرينش ما تقلبش

على المواجه..

ما تفكرينش بفراق فادى الغالى..

أنا صدقت أفرح.. ما صدقت يا ابنى..

خالد : غصب عنى يا أمى.. صورة يوسف مش

طول شايف نواره زى القمر..

صفية : طيب ياللا خش نام بدرى عشان بكره

تروح تجيب القمر ينور عندنا..

خالد : طيب بس أسمع نشرة الأخبار.

صفية : لا.. لا.. نشرة أخبار إيه.. لاجسن تسمع

خبر كده ولا كده.. وتطير النوم من

عينيك.. اسمع كلامى وخش نام..

(خالد يتجه.. يفتح حجرة.. صفية

تمنعه)

صفية : لا.. دى أودة العروسة تماموا فيها بكره..

لكن الليلة دى خش نام فى أوضة

الضيوف..

(يخرج خالد.. يتجه إلى باب مقفول

يفتحه ويدخل، صفية وحيدة فى

الصالة، بقعة نور على صورة الأب عليها

شريط أسود، صفية تتجه إليها تكلم

الصورة)

صفية : جاسر.. يا ضى عيى.. وحشتى.. كان

نفسى تبقى جنبى يوم فرح ابننا..

نفسى أفرح يا جاسر.. نفسى أفرح..

.. بس الحزن مسجون جوا قلبى..

والفرح بعيد عنى..

وحشتى يا ضى عيى.. وحشتى..

سنين.. وسنين وأنت بعيد.. لكن

وحشتك جوا قلبى ما بتبردش يا غالى..

(صفية تترك صورة الأب وتتجه إلى

صورة قاذى شاب فى العشرين تقريباً..

شريط أسود على الصورة صفية تمسح

على الصورة.. وهى تتمتم فى شجن..)

صفية : يا ليل وفين أحبابنا يا ليل.. وفين إحنا

وفين أحبابنا.. كفة ميزان الأحران ياليل

طبة بينا، يا ليل وولى شبابنا.. راحوا

الشباب راحوا.. وولى شبابنا من يوم

ماراحوا.. الفرح تاه عن بابنا يا ليل..

وفين أحبابنا..

(صفية تتجه إلى الباب الموارب تفلقه

ثم تغلق النور وتتجه إلى حجرة نومها،

السكون يعم المكان..

فجأة نسع خطاً شديداً على الباب..

صفية قادمة من جانب وخالد من جانب

(آخر..)

خالد : ده مين اللى بيخبط قوى كده..

صفية : ومين اللى حييجى لنا الساعة دى..

(خالد يتجه إلى الباب يفتحه

وإذا بعدد من الرجال مرتدين ملابس

رجال الأمن.. على رأسهم جعفر.. الذى

رأيناه من قبل..)

جعفر : إيه كنتوا فين؟ .. طول النهار مستنيكوا

لحد ما فتحتوا النور جينا ليكوا..

خالد : إنتو مين!!

جعفر : هو إنتم بتخافوا... بره يا حوش.. واقفوا
قدام الباب.. مهمتنا قربت تنتهى
استوتوني بره.. وزى ما اتفقنا لا حد
يدخل ولا حد يخرج.. فاهمين وادي
قعدة..

(الرجال يخرجون.. يدخل جعفر..
ويجلس)

خالد : هيه.. عايز تقول إيه..
جعفر : اختصارا للوقت.. بدل ما أتكلم وأرغى
كثير..

الورق ده حيتكلم..

(يخرج من جيبه ورقة)

صفية : ورق إيه ده..

جعفر : حكم.. من المحكمة..

(خالد يشد منه الورقة ينظر فيها فى
دهشة)

خالد : حكم إيه ده..!!

جعفر : حكم من المحكمة العليا..

صفية : حكم.. حكم إيه ده..

جعفر : ده حكم بملكية الأرض والبيت اللى إنتوا
قاعدين فيه ده.. لصاحبها الأصلي
السيد موسى هارون..

صفية : آه بقى هى الحكاية كده.. والله فكرتوني
بزمان.. اللعبة دى لعبها جد موسى
وبعديها أبو موسى عشان ياخدوا الأرض

صفية : وعازين إيه!!

جعفر : مش تقولولى الأول اتفضل استريح..
حاجة ساقعة.. حاجة سخنة.. علشان
أقعد والكلام يحلو..

خالد : قبل ما نقولك اتفضل وقيل ما نسمعك
لازم نعرف إنت مين الأول..

وجاى ومعاك رجال أمن ليه..

جعفر : لأ ما تخافش يا حبيبي ده مش أمن
دولة.. ده أمنى الشخصى

صفية : أمنك ولا أمن الدولة إنت عايز منا
إيه..

جعفر : أولاً بكل بهجة وسرور اسمحو لى
أشرفكم بمعرفتى.. أنا اسمى الأستاذ/
جعفر عباس مدير أعمال السيد موسى
هارون..

طبعاً إنتم عارفينه.. وسامعين عنه وعن

الهيلمان اللى هو عامله فى الكون..

صفية : وموسى اللى بتقول عليه ده عايز منا
إيه..

جعفر : برضه مش حاقول غير لما تقولولى
اتفضل.. عشان أقعد وأتكلم.. براحتى..
عموماً دى مسألة ذوق وإحساس..

صفية : خلاص.. عايز تقعد وتكلم خرّج اللى
معاك دول واللى واقفين زى الدادبان..
واوعى يتيهاك إنا خايفين منهم..

والبيت..

جعفر : بس الكلام ده كان زمان وخلص السيد موسى أخذ الحى كله ومابقاش غير بتكوا وأرضكوا..

صفية : أدبك قولتها بعزيمة لسانك..

.. بيتنا وأرضنا..

(خالد وقد انتهى من قراءة الحكم)

خالد : الحكم ده باطل..

وإحنا بنرفضه..

جعفر : ده حكم محكمة يا بنى آدم..

صفية : بله وأشرب ميتة..

خالد : وروح بلغ اللى بعثك إن الأرض أرضنا والبيت بيتنا..

صفية : وماطرح ما يحمل رأسه يحمل رجله..

جعفر : يعنى إيه..

خالد : يعنى الباب اللى دخلت منه لسه مفتوح.

صفية : وما على الرسول إلا البلاغ..

روح بلغ اللى باعتينك إننا بنرفض الحكم ومش منقولين لآمن بيستنا ولا من أرضنا..

(جعفر ينهز ويحاول أن يناقش بطريقة هادئة)

جعفر : برضه حتقول بيتنا وأرضنا ماتغنيها أحسن يا ست أم فادى.. وأم خالد.. ومرات جاسر وأخت محمود.. بلاش

تتسى إن موسى هارون ما حدش يقدر يقف فى سكتة ويعطل مشاريعه.. وما دام قرر ياخذ البيت والأرض يبقى حياخداهم بالذوق.. أو بالعافية.. حياخداهم بالذوق.. أو بالعافية.. حياخداهم..

صفية : إحنا مابنتهدش..

زمان جه أبو موسى.. وكان عايز ياخذ الأرض والبيت، جاسر رفض وكل اللى قدر عليه هد علينا البيت.. لكن إحنا بنيناه تانى..

خالد : ده حصل يا أمى..

صفية : وأكثر كمان.. وحاحكى لك ما هو ياما دقت على الراس طبول... طول ما إحنا عايشين مش حنفرط.. لا فى بيتنا، ولا أرضنا..

خالد : مش فاهم الجاحة اللى جايبين بيها دى.. معقول هو إحنا عايشين فى غابة معقول جايبين تتهجموا علينا وبكل بجاحة.. تقولوا البيت بيتنا والأرض أرضنا.. وقال إيه جايبين حكم محكمة..

جعفر : حكم رسمى.. وموثق كمان..

صفية : من أنه محكمة..

جعفر : من محكمة عمومة الكون.

خالد : هو إنتوا خلاص.. نصبتوا نفسكوا عموم

الكون..

جعفر : إنتم نايمين فى العسل.. إحنا انتصبنا خلاص.. مش لسه حنتصب ويكون فى علمكوا لو عصيتوا الأوامر.. ماحدش حايفيتكوا..

خالد : إحنا مش لوحدنا.. إحنا اللي زينا كثير.. ويكون فى علمك.. إحنا ما حدش يقدر يأمرنا.. وما حدش حياخد حقوقنا.. فاهم..

جعفر : حقوقنا حقوقنا.. كده حاتدفعوا الثمن غالى.. طاوعوني..

صفية : إحنا دفعنا كثير.. كثير قوى.. ولو كنا سلمنا من زمان ماكانش جرائى اللي بيجرى..

(خالد يدفع بجعفر إلى الخارج)

جعفر : إنتى فاهمة إن أنا مش هارشك ولا إيه (فى عنف)..

خالد : امشى.. غور من قدامنا..

جعفر : وإن ما مشيتش.. حتعمل إيه!!

(خالد يلوى ذراع جعفر)..

خالد : يبقى حاموتك..

(خالد يحكم يديه على رقية جعفر)

مما يجعل جعفر غير قادر على الصراخ

صفية تخلص يد خالد من رقية جعفر..

صفية : لا يا خالد.. لا يا ابنى.. بعدين يجراه

حاجة.. يحسبوه علينا راجل..

لا يا حبيبى لا.. ده الضفر اللي يطيروا المقص منك.. بمليون من اللي زى جعفر ده.. سيبه يا حبيبى.. سيبه عشان خاطرى..

(خالد يدفع بجعفر على الأرض)

جعفر ينهض متوعداً)

جعفر : دى الجولة الأولى...

(يخرج)

صفية : ليه كده يا.. يا ابنى ده إنت كنت حتموته فى إيدك..

خالد : هو ده الرد الوحيد على البجاجة اللي جاي بيها.. كان لازم أموته..

صفية : لما حتموته فى إيدك مش حتحل حاجة..؟

دول وحوش..

إحنا كلنا نقدر نقف فى وشهم.. لكن إنت لوحدك.. لا.. ده إنت اللي فاضل

لى من الدنيا.. ومش معقول تروح منى فى شربة ميه.. وتعالى.. تعالى معايا..

(تدفعه إلى دولاب)

زيح البوريه ده معايا عشان أطمئك..

خالد : تطمئنى على إيه!!؟

صفية : حقنا فى البيت والأرض معنا.. وبص.. بص

(تخرج حقيبة قديمة.. تخرج منها ورقة)

دى حجة البيت بحطة أيد أبوك لما
أتجروا أقبل كده.. وجم عشان ياخدوا
البيت والأرض.. وقف فى وشهم بكل
قوته.. لأن الحجة كانت معاه.. معاه من
أيام الجدود.. وجدود الجدود.

(خالد يأخذ الحجة.. وينظر فيها)

خالد : طول ما الحجة دى معانا مش حايقدروا
ياخدوا.. لا البيت.. ولا الأرض..
ونرفع عليهم قضية بيها من بكره.

صفية : بس الحكاية مش حكاية حجة ولا
محكمة.. هم عارفين إن الأرض أرضنا
والبيت بيتنا.. لكن بيستهلوا بيتيألهم
إنهم هم بس اللى معاهم السلاح
والدمار لكن ده بعينهم.. أهم بقالهم
سنين.. وسنين.. بيحاولوا.. يخرجونا
من أرضنا.. لكن ده بعينهم..

صفية : وهيفضلوا يهووا كده.. لكن على جثتنا
لو قدروا ياخدوا.. حته من بيتنا

خالد : لما الحكاية كده ما سيبتيش أقتله ليه..
عشان يعرفوا إننا مابنخافش..

صفية : ليه.. هو أنا مجنونة أسبك تقتله عشان
ييجوا ياخدوك منى.. وتروح فى شربة
ميه.. وأضيعك منى.. ده أنا ماليش
غيرك يا ضنايا.. ده إنت اللى فاضل لى

من الدنيا.. ويكون فى علمك.. فى ستين
داهية الحيطان والبيبان لكن إنت
ماتروحش منى (أبدأ.. أبدأ.. أبدأ..)

(تبكى، خالد يربت عليها)

خالد : ماتزعليش يا أمى.. وربنا يقدرنا على
اللى جاى..

صفية : يبقى خش نام عشان تصحى تروح
لعروستك..

خالد : حاضر يا أمى.. حاضر..

(خالد يتجه إلى حجرته)

وأيضاً صفية تتجه إلى حجرتها

سكون يعم المكان.. فجأة نسمع

ضجيجاً، خالد نادم من جانبه وصفية
نادمة.. من الجانب الآخر)

خالد : شايضة يا أمى عاجبك كده.. أهم جاين
تانى.. يهددونا..

صفية : لا يا ابنى.. لا.. ده.. ده اسمع.. دى
أصوات جاية من بعيد... بعيد عن
بيتنا..

خالد : هو فى.. إيه!!

صفية : فيه حاجة بتحصل فى البلد... الليلة دى

(خالد يدير مؤشر الراديو يسمع عدة

أصوات.. حتى يصل إلى صوت منبثق

من المذيع)

المذيع : لقد هرب يوسف مختار من سجوننا..

ليقوم بعملية انتحارية تهدد البلاد.. ومن
يضبطه ويسلمه للجهات المسؤولة
يحصل على جائزة قيمتها ميت ألف
دولار

(خالد يخطب على رأسه صارخاً)

خالد : مصيبة يا أمى.. مصيبة..

(خالد يرفع صوت الراديو لتسمع صفية
الخبر جيداً)

المذيع : صفية تسمع صوت المذيع)

لقد هرب يوسف المختار من سجوننا
ليقوم بعملية انتحارية..

صفية : يا مصيبتى.. يا مصيبتى.. وكمان
هرب.. عشان يعمل عملية فداية..

طيب ليه يا ضنايا... هو مش كفاية الى
جرالك؟

خالد : أكيد هرب عشان يعمل عملية فداية.

الأم : كفاية عمليات كفاية.. دا أمه ماتت
بحسرتة من العملية اللي فاتت..
وانقبض عليه واترمى فى السجن من
غير ماتشوفه..

(خالد يهم بالخروج .. الأم تمنعه)

الأم : رايح فين؟

خالد : خارج.. لازم ألحق يوسف...

الأم : ما فيش خروج فى الساعة دى..

خالد : أنا لازم أخرج يا أمى.. لازم..

الأم : وأنا قلت ما فيش خروج.. يعنى ما فيش
خروج..

زمانهم دلوقت زى المجانين.. ويمكن
ياخدوا الحابل فى النابل.. ويمسكوك..

خالد : يا أمى أنا لازم أخرج.. أنا لازم ألحق
يوسف أحسن يكون ما سمعش اللي
بيتقال فى الراديو ويروح بيته.. إن شاء
الله أروح له بيته قبل ما يمسكوه..

الأم : يبقى هيطخوك..

مجرد ما تقرب من بيته هيطخوك..

(تجربى.. تفلق الباب بالترباس)

لتمنع خالد من الخروج)

خالد : أرجوكى يا أمى.. أرجوكى.. سيبينى
أخرج..

ما تحرمينيش أنقىد يوسف.. ده
صديقى.. وزى ابنك..

(صفية وقد بدا عليها التأثر .. تتمتم
فى شجن)

صفية : ده مش زى ابنى.. دا ابنى فعلاً ومتربى
فى وسطيكوا.. وقلبى دلوقت بيرفرق
بالخوف عليه أحسن يمسكوه..

خالد : يبقى سيبينى أخرج..

(صوت المذيع يعلو)

المذيع : لقد صدرت الأوامر بحظر التجول..
ومن يخالف الأوامر سيدفع الثمن

حياته..

خالد : سيبني أخرج قبل تنفيذ حظر التجول..

الأم : عشان يلقطوك.. ويطخوك

(خالد يتجه إلى الباب المؤدى إلى

السلم)

خالد : ما تخافيش يا أمى هاطلع فوق السطوح

وأنط على الزقاق اللي ورا البيت..

وأجرى .. والدنيا أهيه ضلمة وما حدش

هيشوفنى.. (الأم تشده من ملابسه..

تمنعه من الخروج.. يحاول أن يفلت

منها.. تجرى على باب دولا.. تخرج

بندقية.. خالد يحاول أن يشد منها

البندقية.. تتمسك بها)

صفية : مش حاسبك تخرج بقى مش حاسبك

تخرج أنا مش مستغنية عنك ولا يمكن

أسيبك تخرج للموت برجليك.. لا

يمكن..

(خالد فى دهشة)

خالد : معقول.. معقول يا أمى تمنعيني..

صفية : أنا لا يمكن أفرط فيك.

خالد : أمى.. أمى.. إنت كده مش أمى.. مش

ممكن تكونى إنت الست اللي كانت واقفة

من شوية فى جسارة.. وشجاعة.. فى

وش اللي جاين ياخدوا بيتنا.. وأرضنا..

مش معقول تكونى إنت الست اللي وقفت

جنب أبويا وهو بيحارب الإنجليز ولا

يمكن تكونى إنت اللي سمحت لأخويا

فادى إنه ينضم لصفوف المقاومة..

ولا إنت الست اللي شالت أخوها وهو

•

سايح فى دمه..

(صفية ترخى يديها بالبندقية ثم تتجه

إلى خالد.. تربت عليه وتكلم فى شجن)

: أمك اللي كانت.. الزمن هدها.. أمك

الحرب سرفت عمرها..

أمك اتكوت بنار فراق الغاليين..

أمك عجزت وهى فى سن الثلاثين..

أمك انقطم وسطها لما شالت أخوها

وهو سايح فى دمه يوم ما استشهد..

أمك اللي نار أخوك فادى البكر اللي

شافه قلبى قبل عينى..

واللى أول مرة سمعت كلمة يا أمه كانت

من بقه..

ابنى فادى الكبير.. الجميل.. اللي ناره

لسه مشعللة فى حشائى.. لما اتطوع راح

ومارجهش.. واتحزمت منه لآخر يوم فى

عمرى..

حرام عليك يا خالد.. حرام عليك

ياضنايا.. بعد اللي جوالى ده كله جابى

تطلب منى أفرط فيك..

ده إنت ابنى الوحيد اللي فاضل لى من

الأم

الدنيا.. لا يا ضنايا.. لا.. دا لو عليا
كنت أحطك جوا ننى عينى وأغمض
عليك.. وتبقى إنت النور اللى منور لى
الطريق..

لو عليا كنت أحطك جوا قلبى وأقفل
عليك ونفسك يبقى نفسى وتسمع دقات
قلبى طول ما أنا عايشة..

ما تحرمينش منك يا ابن قلبى..

دا إنت اللى فاضل لى فى الدنيا.. الدنيا
اللى حرمتنى العمر كله إنى أعيش
لحظة واحدة فى أمان.. الدنيا اللى
رملتنى قبل الأوان.. الدنيا اللى من يوم
مافتحت عينيا عليها.. كويتنى بالنار..
شهيد.. ورا شهيد..

ده أنا لو كنت جبل كنت اتهديت
(خالد يصرخ)

خالد : بس دا حرام.. حرام تدفعينى ثمن كل
اللى كان.. أنا لازم أخرج.. أنقذ
يوسف..

لو مسكوه.. هيموتوه..

صفية : ربك هايستر.. هيعمى عينهم عنه.. بس
ما تحرمينش من فرحتى بيبك..

دا فرحك بكرة يا خالد.. اليوم اللى
طول عمرى باحلم بيه..

خالد : مش إنتى لوحذك يا أمى.. أنا ياما

حلمت.. أنا كمان باحلم بيه.. لكن أعمل
إيه.. يوسف كان صديق أخويا..
وصاحبى

وأنا عارف.. هو يمكن يروح لإخواته
اليتامى.. يطمئن عليهم..

ارحمينى يا أمى وسببىنى أخرج.. أنا
خلاص.. ما بقتش طابق السجن اللى
إنتى حاطانى فيه.. حرام عليكى يا
أمى.. تحرمينى من لحظة.. لازم أقوم
فيها بواجبى.. حرام عليكى تكفتينى.

صفية : هروب يوسف صحى فىا كل الأوجاع..
والأحزان..

ورجعنى للخوف تانى.. بعد ما كنت
قربت أنساء.

خالد : يا أمى لازم تعرفى أن طول ما فيه خطر
بره ما فيش أمان جوه..

لو حطيتينى بين أربع حيطان وقفلتى
عليا بميت مفتاح..

الخطر اللى بره هيدخل علينا جوه..

صفية : ولو.. برضه مش هاسيبك تخرج.. لا
يمكن أسلمك للموت بايديا..

خالد : هو أنا أحسن من مين.. ما كل يوم فيه
شهيد.. واثنين.. وثلاثة.. وعشرة

وبرضه لهم أمهات زيك بالظبط..

صفية : لأ ماחדش زىي.. أنا اندبعت ما حدش

جراله اللى جوالى.. خلاص.. ما عادش
فيا قلب يستحمل أفقدك انت كمان.. دا
الموت هيبقى أهون عليا من إنى اتحرم
منك..

أنا لا يمكن.. لا يمكن أسيبك تخرج..
يعنى لا يمكن.. لا يمكن..

خالد : بس هاخرج.. يعنى هاخرج.. صفية
تشده فى عنف.. تمنعه من الخروج..
خالد يخلص نفسه من بين يديها لكى
يخرج.. المعركة دائرة بينهما.. لا أحد
يستسلم للآخر)

(إظلام)

المشهد الثانى

(إظلام تام)

أصوات قذف قنابل ومدافع.. هرج ومرج
أقدام جنود تدق الأرض فى عنف شديد

(إضاءة)

- مبنى مهدم من آثار قذف القنابل
والمدافع وضرب الرصاص.. المبنى
ليس به غير سقف وبعض الأعمدة..
حفرة كبيرة فى وسط المبنى.

- من خلال ميكروفون مكبر للصوت
نسمع المذيع فى صوت عالٍ.

المذيع : لقد هرب يوسف مختار من سجوننا
ليقوم بعملية انتحارية.

ومن يضبطه يسلمه للجهات المسؤولة
حيًا أو ميتًا.. وجائزته ميت ألف دولار..
(كشافات تملأ المكان.. صوت المذيع

الجميع : يبقى هوب.. سلم نفسك يا يوسف

يا مختار هنضرب في المليان.

(يندفعون ويرددون

كلمة هوب

بمجرد دخولهم تهبط بهم

الحفرة ثم يسقط

عليهم سقف المبنى

يرددون في أصوات محمومة

حيًا أو ميتًا

حيًا أو ميتًا

المبنى يتحول إلى كومة تراب.. والجنود

يصرخون في صوت واحد.. سلم نفسك

يا .. يا .. ثم صمت.. ثم إظلام.)

(إظلام)

يعلو أكثر وأكثر.. أصوات أقدام جنود

تدق في الأرض.. بشكل محموم وعنيف

مع صوت الرصاص، يدخل يوسف

مختار مرتميًا على الأرض من أثر

رصاصة في قدمه.. يزحف حتى يضع

قنبلة في المبنى المهدم ثم يخرج يحجل

على قدم واحدة، يدخل عدد من الجنود

كل منهم مرتدي ملابس تعبر عن

استعمار ما.. «جنود ألمان».

على صدورهم الصليب المعكوف..

وجنود إنجليز.. وأيضًا جنود إسرائيليين

على ملابسهم نجمة داوود.

يدخلون مندفعين صارخين في صوت

واحد.)

جندى ١: سلم نفسك يا يوسف يا مختار.

جندى ٢: هنضرب في المليان..

جندى ٣: لا.. المسئولين قالوا عايزينه حيًا..

جندى ٤: لا.. قالوا ميتًا.

جندى ١: لا قالوا.. حيًا.. أو ميتًا

جندى ٢: لا.. قالوا حيًا..

جندى ٣: لا.. قالوا أو ميتًا..

(الأصوات تملو)

حيًا.. أو ميتًا..

ثم تنتهى الضجة بكلمة حيًا..

حيًا.. حيًا..

المشهد الثالث

(إضاءة على صالة صفية
لا تزال المعركة قائمة بين
خالد وصفية

هو يريد أن يخرج
وهي تمنعه في شدة
فجأة نسمع خبطاً على الباب
صفية وخالد ينظران
لبعضهما لثوانى)

- خالد يهم بفتح الباب
- صفية تمنعه وهي تخط على صدرها
في هلع

صفية : شفت المصيبة .. أهم جُم .. لأنهم
عارفين أن يوسف مالوش حد غيرنا ..
دلوقت ياخدوك إنت رهينة لحد ما
يلاقوه

صفية : معقول .. معقول .. يا يوسف تهرب من السجن وتيجى على هنا ..

يوسف : غصب عنى يا خالة .. أقرب مكان فى طريقى .. كان لازم آجى ..
لكن والله غصب عنى ..
(صفية فى عصبية)

صفية : باقولك إيه .. بلا غصب عنك .. بلا غصب عنى .. اتفضل من غير مطرود .. أنا مش ناقصة ..

وكفاية اللي جوالى العمر كله ..
(يوسف يشير على قدمه)

يوسف : طيب .. طيب اسعفينى وطلع لى الرصاصة من رجلى ..
صفية : رصاصة؟

يوسف : ماهم ضريونى وأنا باجرى فى الضلعة ..
(صفية فى عصبية وضيق)

صفية : يادى المصيبة الللى اطربقت عليكى ياصفية ..

يوسف : أنا آسف يا خالة .. بس أعمل إيه؟
(يوسف يكمل)

يوسف : لازم الرصاصة تطلع من رجلى ..
عشان .. عشان ..

صفية : عشان بختى الأسود .. تتضرب بالرصاص جنب بيتى ..

وتجيبنى عشان أنا الللى أطلع لك

تعالى معايا

خالد : فين ..؟

(صفية تشير له على الباب المؤدى إلى السلم)

صفية : أطلع فوق السطوح واستخبي .. وسيبنى أنا هاتصرف ..

خالد : لا يا أمى أنا لا يمكن أسينك لوحدك .. لا يمكن

أنا مش لوحدى يا ابنى .. أنا معايا ربنا -
إنت ناسى؟

أنا ياما خبيتك فوق السطوح لما كانوا
صفية : بيهجموا علينا بعد كل عملية ..
ماتخافش .. أنا ياما وقفت لهم .. وعارفة
حتصرف إزاي .. أطلع فوق .. ولما
أخلص منهم حاندى عليك ..
وأوعدك إنك حتروح ليوسف ..

(تدفع خالدًا فى شدة .. إلى الباب ثم تغلقه .. الخيط مستمر .. تتجه .. لتفتح ..
ترى أمامها .. يوسف فى سن الأربعين ..
مشوش الشعر .. يلف وجهه .. بكوفية ..
يدخل مندفعًا يفلق الباب وراءه)

صفية : يوسف؟

يوسف : خالة صفية؟ وحشتينى قوى يا خالتى ..
(تهم لتحتضنه غير أنها تتراجع
وهى تقاوم مشاعرها)

الرصاصة.. ما أنا كنت نسيت الهم ده
من زمان.

يوسف : أول ما تطلع لى الرصاصة هامشى
على طول.

صفية : مش هاطلع رصاص.. واتفضل من
قدامى.. قibil ما يطبو على هنا
ياخدوك.. وينسفوا البيت..

(يوسف فى استسلام
وقد بدا عليه الألم)

يوسف : حاضر يا خالة.. حاضر.. هامشى..
(يتجه ليمشى غير أن صفية)
تلاحظ أن الدم يسيل
من قدمه)

صفية : إيه ده.. دا إنت دمك سايح

يوسف : مش بأقولك رصاصة يا خالة
(صفية تشده من يده)

تدفعه على الكتبة
فى غيظ)

صفية : طيب خش اترزى.. اقعد.. اقعد وامسك
ركبتك جامد.. عشان الرصاصة ما
تسرحش فى جسمك..

وأنا جاية حالاً.. يوسف.. أوعى يكون
حد لمحك وإنت جاي..

يوسف : اطمنى يا خالتى.. أنا واخد بالى
كويس..

(تخرج الأم)

(يوسف يتأوه فى ألم.. الأم قادمة..

تحمل إناء ماء.. تضعه على الأرض.. ثم

تفتح دولاّبًا تخرج قطناً وشاشاً.. وأيضاً

معدات لتطيف الجرح)

(يوسف يتأوه فى ألم)

يوسف : أى .. أى ... أى

الأم : استحمل هاخرج لك الرصاصة، وانضف
لك الجرح عشان.

يوسف : عشان أخرج بسرعة، عارف. أى ... أى

الأم : على عينى، على عينى طبعاً إنى
هاسيك تخرج وإنت كده.

يوسف : ما أنا لازم أخرج يا خالة قبل آذان
الفجر عشان، عشان....

الأم : عشان إيه .. هتعمل إيه بالضبط،
قوللى.

يوسف : خالتى أنا خايف... أحسن الحيطان لها
ودان.

الأم : اطمن، مافيش حد هنا.

يوسف : أمال فين خالد؟ أى .. أى

الأم : استحمل .. هاخرج الرصاصة.

يوسف : بأقولك فين خالد؟

أحسن نفسى أشوفه ... دا واحسنى
قوى.

الأم : ما تشوفش وحش.

يوسف : ليه يا خالة مش عايزه تقوليلي فين خالد؟

صفية : خالد نام.. بس مش هاصحيه، عشان مش عايزاه يشوفك وانت كده.

يوسف : نفسى أشوفه.

صفية : خالد لازم ينام.

أصل فرحه بكره إن شاء الله.. والليلة دى كانت حنته.

يوسف : حنته . ياه فكرتيني بليلة حنتى.

صفية : على عيني.. ما كنتش قصدى أفكرك.

يوسف : لكن أدبني افكرت .. افكرت، لما حلمت أنا وندا نعيش فرحتنا.

حرمونا منها.. صعب عليهم يسيبونا نعيش أيا منا، صعب عليهم إن الحب يكبر ويرعرع، صعب عليهم نحلم بيكره، صعب عليهم نعمل مستقبنا، خافوا أحسن نجيب أطفال يحلوا حياتنا ويزودوا عددنا.

دخلوا علينا بالبльдوزر، وهدوا المكان علينا، وشيلت ندا من تحت الأنقاض وخرجت بيها شهيدة، وانحرمت منها.. شهيدة يا خالتي..

صفية : أنا أسفة يا ضنايا إني فكرتك باليوم الصعب ده.

يوسف : ماتتأسفيش يا خالة إنك فكرتيني، هو

أنا بانسى عشان أفكرده.. دى عينية لسه شايفها قدامى ونظرتها هى اللى بتدينى القوة عشان أتحمل العذاب اللى - باشوقه فى السجن.. وما تزعلش منى يا خالة إن أنا افكرت اللى كان.. ونسيت أقولك ألف مبروك على جواز خالد.. وربنا يتمم له بخير.

يا سلام.. ياسلام.. هى الأيام بتمر بسرعة كده ليه يا خالة، دا أنا فاكروم حضرتك ما ولدتى خالد زى ما يكون دلوقتى.

كنت أنا وفادى.. كان عندنا حوالى خمس سنين، وكنا بنلعب حوالين البيت هنا.. اللى ما غير هوش الزمن. ويومها حضرتك كنتى قاعدة قدام عين الفرن بتخبزى العيش الصغير اللى تحطلى لنا فيه السمن والسكر وتقولى لنا كلوا يا أولاد...

ناخده ونجى حوالين البيت.

لكن فجأة ... سمعنا صريخ طفل.. خرج علينا عمى جاسر وقال لنا جالكم أخ، يلعب معاكوا.

وهنسّميه خالد.

(صفية فى شجن وتأثر للذكرى)

صفية : بس ما تفكرنيش بالغاليين..

يوسف : دول شهداء ياخالة... والشهداء معنا
وفى وسطنا.

صفية : كلام بتصبر بيه نفسنا، لكن هم راحوا،
واحنا اتحررنا منهم لآخر يوم فى
عمرنا.

(تشد قدمه فى عنف)

أعدل رجلك عشان أعرف أنضف
حوالين الجرح.

وخليك متبت على ركبتهك، عشان
الرصاصه ما تتسريش فى الرجل كلها.

يوسف : المهم حضرتك شايفة مكان الرصاصه؟

صفية : مفروزة بين العضم واللحم.. أنا باحقر
حواليها، عشان أخدر لك رجلك
وتستحمل لحظة خروج الرصاصه.

يوسف : ما اتحرمش من إيديكى يا خالة، ما
اتحرمش منك.

(يوسف يكمل)

يوسف : تصدقنى ... وأنا فى السجن كنت باحلم
باليوم اللى أخرج فيه وأجيك ... أقولك
جمان يا خالة ... زى زمان.

صفية : على عيني يا ضنايا .. لو عليا كنت أدبج
لك دكر بط يغذيك.

لكن ما باليد حيلة.. أنا هاخرج لك
الرصاصه وأربط لك الجرح، وتمشى
على طول.

يوسف : كان نفسى أحضر فرح خالد.

صفية : وهو برضه كان نفسه، وقاللى يا أمه كان
نفسى يوسف يكون جنبى فى فرحى،
ويرقص لى، ويفنى لى كمان.

يوسف : مسيرنا تغنى يا خالة ونرقص كمان،
الاستعمار مهما يطول، مسيره ينزاح بس
للأسف، لا يمكن حينزاح غير بدمنا
وجهدنا.

المقاومة يا خالة هى الطريق الوحيد
اللى يزيح الاستعمار من أرضنا وإذا
كانت أمريكا بجلالة قدرها غارزة شوكة
سرطان فى المنطقة عشان تسيطر على
مستقبل الشعوب، إحنا هنقف لها...
ونقاومها، وهيبقى لنا باستمرار شرف
المقاومة.

صفية : هو إنت يا ابنى، هتقدروا عليهم؟

دول شياطين خارجين من قمقم.

يوسف : بلادنا دخلها كل أنواع الاستعمار من أول
التتار والفرس، لحد الترك
والفرنساويين، والإنجليز، وآخرها
الوحش السرطانى، لكن ومادام عندنا
عزيمة وإيمان بحقنا فى أرضنا..
يبقى حننتصر..

(صفية تنظف الجرح فى مهارة)

صفية : استحمل.. قربت أخرج الرصاصه

(تستعد لإخراج الرصاصية يوسف يغنى
ألمًا وهو يتأوه)

يوسف : علموني بالعربي زمان إن الحرف أصل
الكلمة.

(يوسف يكمل)

يوسف : وإن الكلمة أصل السطر، وإن السطر
أصل الصفحة.

وبعد الصفحة.. يبقى كتاب، كتاب.

صفية : إنت بتغنى يا ضنايا.

يوسف : ما إحنا لما بنتعذب فى السجن يا خالة
بنغنى عشان نستحمل التعذيب.

(صفية ترى بعين الخيال

بقعة نور فى مكان ما

فى المسرح على فادى)

فسادى : يوسف يا أمى، يوسف، بيـمـذبـوه فى
السجن، معلقينه من رجليه وبيضريوه
عشان يعترف ويقول مين اللي كان معاه
فى العملية.

استحمل كل أنواع التعذيب وماجابش
سيرتى، وما قالش فادى كان معايا.

(بقعة النور تتسع حتى تعم

نصف المكان تقريبًا

فادى يصفق فى سعادة)

فسادى : يوسف خرج من السجن يا أمى، يوسف
خرج.

(صفية من مكانها تتمتم)

صفية : عذبوك يا ضنايا ألف حمد لله على
سلامتك..

(تتطفئ الإضاءة، وكان

الحديث بين صفية

ويوسف)

يوسف : حاجة غريبة يا خالة، الظاهر أن جوا
الإنسان منا قوة ما بتظهرش غير فى
لحظة الشدة، لما كانوا بيضريوني، كنت
أبص من مربع الزنانة آلاقى وش فادى
قدامى بيتسم لى، ويقوللى شد حيلك.

يضرىوني ويسألونى مين اللي كان
معاك؟ أرد وأقول كثير، كثير. مالمش
عدد يضرىوني تانى.. وتالت.. وفى
النهاية قوة جوايا تخلىنى استحمل لحد
ما يفمى عليا.

(بقعة النور مرة ثانية

على فادى)

فسادى : الليلة دى إحنا لازم نحتفل بخروجك يا
يوسف.

والزملاء زمانهم جايين، كلنا نحتفل
سوا.

(فجأة يظهر بعض الشباب يندفعون إلى
المسرح يرقصون... ويغنون أغنية تؤلف
خصيصًا تجمع الفلكور بكل أشكاله،

الشباب يرقصون الدبكة الفلسطينية،
والسورية الرقص الصعيدي والمصري ،
الفناء يرتفع، وتختفى بقعة النور... حيث
تعود صفية جالسة تحت أقدام يوسف
تنظف له الجرح)

صفية : استحمل يا ضنايا... الرصاصة أهيه
فى الجفت بين صوابى... هاخرجها
أهو.

(تخرج الرصاصة بالملقاط
فى قوة، يوسف يصرخ صرخة
مدوية ثم يغمى عليه صفية تنهض
مسرعة)

صفية : يا حبيبى يا ابنى أغمى عليك، هاعملك
كوباية ميه بسكر بسرعة. ♦
(دخول خالد.. تخرج صفية، يوسف وهو
يتألم)

يوسف : العملية فاضل عليها نصف ساعة، ولو
خرجت دلوقت هاروح فين، دا أنا تعبان،
تعبان.

خالد : فيه إيه يا أمى (يفاجأ) يوسف؟ ماله؟
صفية : يوسف انضرب وأنا شلتله الرصاصة
ومغمى عليه.

خالد : بس كده خطر.. أنا حاططع أراقب من
فوق أحسن يطبوا علينا..
(يخرج، تدخل صفية حاملة كوب ماء

تعتليه ليوسف وتساعده.. ليشربه)
صفية : أشرب، أشرب ميه بسكر، تعوضك الدم
اللى نزل منك.

ودلوقت هاربط لك الجرح، و... ياه الدم
نازل زى الحنفية، لازم أسده بشوية بن.

(تجرى تحضر البن، تفتح

البرطمان تأخذ كمية بن

تضعها على الجرح)

صفية : ساعدنى يارب.. ساعدنى.. أهو كده الدم
هيقف وقوم أقف على رجلك جريها،
عشان تلحق تقدر تخرج.

(يوسف يهم بالنهوض.. وهو يحرك
قدميه)

يوسف : إيديكى أبوسها.

(ياخذ يديها يقبلها)

صفية : باسك العافية يا ابنى.

(صفية تنتهى من ربط الجرح)

صفية : كده خلاص... تقدر تمشى.

يوسف : أيوه، بس.. بس

صفية : بس إيه؟

يوسف : عايز استسمحك...

صفية : فى إيه؟

يوسف : العملية اللى أنا هربت عشان انقذها فى
ميعادها مع آدان الفجر... فاضل عليها
نصف ساعة.

والمشوار لحد مكان العملية ياخذ
دقائق.

صفية : يعنى عايز تقعد نص ساعة كمان...
يوسف : دا لو سمحتى.

صفية : لأ، مش هاسمح. دا أنا حاسة أن دى
نشف من ساعة ما دخلت.

ومين عارف مش جايز النص ساعة دى
ييجوا ياخدوك.

يوسف : طيب ممكن تصحى لى خالد أشوفه،
وأمشى على طول، أحسن مين عارف،
أنا خايف فى العملية دى يجزلى حاجة
و...

صفية : ألف بعد الشر.

يوسف : ورحمة فادى.. بيقى أشوف خالد.
(صفية تعود لمصبيتها)

صفية : خالد نام، عشان يصحى بدرى ويروح
يجيب عروسته من قرية السلامية.
(يوسف ينتفض فى جلسته فى هلع)

يوسف : بتقولى قرية السلامية؟

صفية : آه، ما هى نواره هى العروسة، وعایشين
فى قرية السلامية.

يوسف : مصيبة... مصيبة.

صفية : ليه... مصيبة ليه؟

يوسف : مش هيلحق يروح قرية السلامية..
علشان.

صفية : علشان إيهاتكلم.

يوسف : لأنى ... لأنى ... ها قولك يا خالة وإنتى
سترى وغطايا.

صفية : فى إيه؟

يوسف : ماهى العملية اللى هربت عشان أعجلها
هى إنى هانسف الكوبرى اللى بيوصل
ما بين قرية السلامية وبين الطريق
العام.

صفية : هاتنسف الكوبرى؟

يوسف : لأن الأعداء هتعدى عليه بدباباتهم، وكل
معداتهم مع آذان الفجر.. ويدمروا
القرية باللى فيها. شبابها وشيوخها،
نساءها، وأطفالها يا خالة.

وحجتهم إيه إن فيها فدائيين.

صفية : دى تبقى مصيبة.

يوسف : لو ما لحقتش أنسف الكوبرى فى
الميعاد، هتبقى فعلاً مصيبة.

صفية : مين اللى قالك إنهم هينسفوا القرية؟

يوسف : جات لنا أخبار أكيدة فى السجن،
وعشان كده الرفاق هربونى أنسف
الكوبرى لحظة آذان الفجر، قبل همه ما
يعدوا من عليه.

(صفية فى حالة هلع)

صفية : يعنى إيه، يعنى لو مسكوك قبل ما
تنسف الكوبرى ينسفوا همه قرية

ولادى..للتقنوا قرية السلامية...

(خالد يقبل يد أمه، خبط على الباب)

خالد : المساك

صفية : ولا يهكموا .. تعالوا ..

(تمسك يوسف من يد وخالد من يد،

وتدفع بهم إلى باب السطوح)

صفية : واطلموا بسرعة ونطوا على الزقاق

واجروا ..

(تفلق الباب من ورائهم .. والخبط

يشند)

جندي : افتح الباب.

صفية : مش حافتح ..

جندي : فيه هارب دخل عندك من شوية..

صفية : ما حدش دخل عندي..

الجندي : افتح بسرعة..

صفية : قلتك مش حافتح ..

الجندي : حنعد من واحد لتلاتة .. ولو

مافتحتيش.. حننسف البيت عليكى

وعليه ..

واحد .. اتتين تلاتة....

صفية : برضه مش حافتح.

الجندي : كده يبقى اكسروا الباب..

(الجنود يكسرون الباب)

الجندي : فتشوا المكان

(صفية تمسك الجندي من رقبته)

صفية : بتكسروا الباب على واحدة ست يا

عجبر..

يا سفلة .. يالى ما عندكوش دين ولا

ملة ..

(الجندي يفلت من يدها .. الجنود بع

التفتيش)

جندي : مفيش حد موجود ..

صفية : صدقت اهو مفيش حد موجود...

الجندي : بس فيه هارب دخل عندك...

صفية : وأديك فتشت.. وما لقتش .. يبقى عايز

إيه تانى..

عايز تنسف البيت .. انسفوا .. وأنا

قدامك اهو .. انسفوه علىّ ما إنتوا يامه

عملتوها ..

(الجنود يخرجون.. صفية تقف فى

وسط الصالة)

صفية : على عينى يا ضاىا .. على عنى يا

ولادى سلمتكوا بايدى..

إنتوا غاليين آه بس الوطن .. البلد ..

الناس .. غلاوتهم جوايا من سنين

وسنين..

قلبي بيقول إنكوا راجعين..

إن شاء الله راجعين.. واطمنوا أنا مش

زعلانة عليكموا ولا قلبي مكسور..

وغلاوتكوا جوايا زادت أكثر وأكثر ..

حيفضلوا قدام عينيه وحواليه وجوه
حضنى..

بس لو لو جايز يمكن لو حصل ...
فراق ... حا ..

(صوت آذان الفجر..)

صوت مفرقات قريبة تلو

صفية صارخة فى فرح مخنوقة
بالبكاء..)

صفية : تسلم إيديكوا يا ولادى ... تعيشوا
يا ولادى..

تعيشوا يا ولادى..

(ثم تجلس تغنى وصوتها محشرج
بالدموع)

صفية : يا حنة يا حنة ... حنة ...

يا قطر النداء ... يا شباك حبيبى يا عينى
جلاب الهوا..

(إظلام تدريجى)

نهاية المسرحية

صدر من هذه السلسلة :

١ - «ملكة الصمت» للكاتبة الفرنسية «مارى نيمية» -
رواية - جائزة «ميديسيس».

٢ - «فتاة من شارتر» للكاتب الفرنسى «بيير بيجى» -
رواية - جائزة «انتر».

٣ - «موال البيات والنوم» للكاتب المصرى «خيرى
شلبى» - رواية - جائزة «الدولة التقديرية».

٤ - «أوائل زيارات الدهشة» للشاعر المصرى «محمد
عفيفى مطر» - سيرة ذاتية - جائزة «سلطان
العويس».

٥ - «اللمس» للكاتبة السعودية «ملحة عبدالله» -
مسرح - جائزة «أبها».

٦ - «عاشوا فى حياتى» للكاتب المصرى «أنيس
منصور» - جائزة «مبارك».

٧ - «قبلة الحياة» للكاتب المصرى «فؤاد قنديل» -
رواية - جائزة «الدولة للتفوق».

الكتاب

مطابع الهيئة المصرية العامة للكتاب

ص. ب : ٢٢٥ الرقم البريدي : ١١٧٩٤ رمسيس

WWW.egyptianbook.org

E - mail : info @egyptianbook.org

الكتاب:

صفية، البطلة الحقيقية لهذه المسرحية،
هى نموذج للمرأة العربية، صانعة الرجال،
الذين سيتاح لهم أن يحموا أوطانهم من الغزاة.
المسرحية، تلتقط هذه اللحظات الإنسانية
الأسرة، التى تدمع العين من فرط دفتها. من
خلال رصد المؤلفة لتفاصيل هذه العلاقة
الاستثنائية بين صفية ورجال المقاومة.
هؤلاء الذين يؤثرون الوطن على الذات،
مضحين بالمال والنفس لأجله.
المسرحية ليس لها زمان محدد، ولا مكان معين.
ذلك أنها يمكن أن تحدث فى كل زمان، وفى أى
مكان.